

Krúsilíus

Lag og texti: Aðalsteinn Ásberg Sigurðsson

Kannastu við köttinn minn?
Hann klókur er en besta skinn.
Hann er stærri en hestur
og stærri en hús.
Já, kötturinn minn heitir
krús, krús, krús.
Krúsilíus
Krúsilíus

Hann er gulur og grænn og blár.
Galdraköttur í húð og hár.
Og ég veit hvað hann syngur
og víst er það satt
að Krúsilíus,
hann á köflóttan hatt.
Krúsilíus
Krúsilíus



Krúsilíus kynlegur er
og klórar oft í tærnar á mér.
Hann vill aldrei fisk
er með væl og pex
og segist bara vilja súkkulaðikex.
Krúsilíus
Krúsilíus

Og ekki nennir hann að elta mýs.
Því alla daga vill hann rjómaís.
Hann er alltaf að stækka
en enginn það sér
því Krúsilíus býr í kollinum á mér.
Krúsilíus x 4

